

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. I. Vtrùm gratia ita cum peccato pugnet ut simul stare nequeant.

**urn:nbn:de:hbz:466:1-13718**

## DISPVTATIO CXXIII.

*De oppositione gratia habitualis cum peccato.*



ATVRAM gratiae, proprietates, & effectus declaravimus, quo pacto nimirum homines reddat sanctos, justos, ac Dei amicos, quā demum ratione nos filios ejus adoptivos, aeternaeque beatitudinis heredes, & Christi, gratiae fontis ac lagitoris coheredes constituant. Id modo ad plenam perfectamque excellentiae illius ac dignitatis cognitionem explicandum restat, quam scilicet cum peccato antipathiam, ut ita dicam, & oppositionem habeat: hinc enim ejus praestantia multò clarius innotescet.

## SECTIO PRIMA.

Vtrum gratia ita cum peccato pugnet, ut simul stare nequeat.

L  
Sermo tan-  
tum est de  
peccato  
mortali.

ERMO est de peccato mortali, cum venialibus namque, ut communis & certa habet Theologorum sententia, consistere potest gratia, etiam intensissima, nemo liquidem ad eum perfectionis, divinèque amicitia apicem pervenit (Virginei excipio, quam nulla, vel levissima peccati unquam labes infecit) ut veniale identidem peccatum non admiserit. In hoc proinde, ut supra Disp. 84. sect. 5. num. sexto, & Disp. 121. sect. 5. diximus, visio beatifica gratiam superat, quod nullum vel veniale peccatum admittat: hoc inquam nomine gratiam antecedit, ut enim illa externa pulchritudo est major, qua corporis; ita illa interna est præstantior, qua animæ navorum, etiam levissimos, excludit.

II.  
Prima sen-  
tentia affir-  
mat posse  
gratiam di-  
vinitus sim-  
ul cum  
peccato  
mortali  
consistere.

Tres itaque hac in re sunt sententiae: prima Patris Suarez hic, lib. 7. cap. 12. 19. & 20, quem multi sequuntur ex recentioribus, qui assertur gratiam, quamvis naturaliter pugnet cum peccato mortali, posse tamen divinitus simul cum eo in eadem anima componi. Idem docet Bellarminus libro 2. de Justificatione cap. decimo-sexto, Tannerus hic, Disp. 6. quast. 5. dub. 3. num. 57. Arriaga hic, Disp. 46. sect. 4. n. vigesimo primo, & alii.

III.  
Secunda huic è diametro opposita affirmat, nec divinitus in eadem anima consistere simul posse gratiam cum peccato gravi, ita Vasquez hic, Disp. 204. Mæratius hic, Disp. 9. sect. 1. Turrianus, Becanus, Amicus Disp. 32. sect. 1. num. 13. & alii, qui hoc è dignitate gratiae esse existimant, quam tanta perfectionis esse docent, ut ex prædictis suis intrinsecis peccatum essentialiter excludat.

IV.  
Tertia sen-  
tentia dicit  
peccatum  
& gratiam

Tertia demum aliorum sententia est, tantum abesse, ut essentialiter sibi invicem opponantur gratia & peccatum mortale, ut etiam naturaliter, quantum est ex se stare simul in eadem anima

possint, & ex sola Dei institutione repugnare, posse in ea quatenus scilicet decrevit adveniente peccato gratiam destruere, & econtra: ita Scotus in 4. d. 16. quæst. 2. quem sequuntur Scotisti, Okam etiam, Gabriel, Gregorius, & alii Nominales, quos sequitur Lessius disp. duodecima de Perfectionibus divinis, cap. 11. & lib. 2. de Summo bono, cap. 1. num. 4. Coninck de Actibus supernaturis, Disp. 22. dub. decimo, & alii nonnulli. Lessius tamen & Coninck audent gratiam quantum est ex se, seu ex natura sua reddore justum sumpli citer, si absit peccatum.

V.  
Peccatum  
mortale &  
gratia esse  
simul in ali-  
quo subiecto  
possum di-  
vinicet.

Prima Conclusio: non repugnat universum loquendo, ut gratia & peccatum mortale divinitus sint in eodem subiecto. Hanc conclusionem in similis latè probavi in Philosophiâ Disput. 21. de anima dum de assensu & dissensu, amore & odio etiam ejusdem objecti, qua divinitus dixi collocari simul postea in lapide. Ratio est: si unum namque repugnant simul hi actus circa subiectum capax effectus corum formalis: subiecto enim hujus effectus incapaci non insunt, ut assensus & dissensus, amor & odium, sed solum in quantum sunt qualitates, vel accidentia. Confirmatur: possunt enim hæc simul esse in eodem loco seu spatio imaginario, quod in propriè contradictioni luce scilicet & tenebris non contingit; ergo illorum repugnantis tantum est respectu ejusdem subiecti, nec cuiuscunq[ue], sed effectuum formalium ab illis procedentium capacis. Idem ergo dici poterit de gratia & peccato, qua quantumvis respectu ejusdem animæ vel naturæ intellectus repugnat, non tamen respectu subiecti effectus corum formalis incapaci: respectu enim illius peccatum non est peccatum, nec gratia iustificatio. Aliunde tamen forte repugnat, nempe si Deus qualitatem peccati per se producere nequeat, & in lapide collocare, propter summam in qualitate illâ fecunditatem.

R. P. Comptoni Theol. Scholast. Tom. I.

Aaa

SECTIO